

ԳՅՈՒՄՐՈՒ ՆԱԽԸՆՏՐԱԿԱՆ ԾՐԱԳԻՐ

Գյումրին արհեստների և արվեստների բնօրրան է, իրական տաղանդների դարբնոց, որը մշտապես փայլել է մշակույթի, սպորտի և գիտության ոլորտներում: Մեր քաղաքը զարգացման և առաջընթացի բոլոր նախադրյալներն ունի: Ընդամենն անհրաժեշտ է քաղաքական կամք:

«Քաղաքացիական պայմանագիրը» պատրաստ է ստանձնել քաղաքի վերափոխման հանձնառությունը, որպեսզի Գյումրին դառնա առավել բարեկեցիկ, տեխնոլոգիապես զարգացած, տնտեսապես ամուր և սոցիալապես պաշտպանված:

Նախընտրական ծրագրով ներկայացնում ենք քաղաքի զարգացման մեր տեսլականը:

1. ՔԱՂԱՔԱՇԻՆՈՒԹՅՈՒՆ ԵՎ ԵՆԹԱԿԱՌՈՒՑՎԱԾՔՆԵՐ

1.1. Վերանայելու ենք քաղաքի գլխավոր հատակագիծը՝ ուշադրություն դարձնելով օտարման ոչ ենթակա տարածքներում իրականացված կառուցապատումներին:

1.2. Հետևողական ենք լինելու ապօրինի օտարված համայնքային գույքի վերադարձի խնդիրներին:

1.3. Վերացնելու ենք երկրաշարժից հետո տեղադրված ոչ հիմնական շինությունները, լուծելու ենք այդ տարածքներում բնակվող ընտանիքների բնակարանային հարցը, մասնավորապես՝ «Ավտոկայան» և «Ֆանտաններ» թաղերում:

1.4. Կառավարության աջակցությամբ ավարտին ենք հասցնելու փողոցների լայնածավալ հիմնանորոգումը, միաժամանակ բարեկարգելու ենք մայրերն ու մայրեգրերը:

1.5. Կառուցելու և հիմնանորոգելու ենք ծայրամասային՝ «Մսի կոմբինատ», «Բուլվարային», «Օդանավակայան» թաղամասերի բակերն իրենց ենթակառուցվածքներով՝ դրանք դարձնելով ավելի բարեկարգ և հարմարավետ:

- 1.6. Պետական և հասարակական նշանակության կառույցներում կառուցելու ենք թեքահարթակներ, որպեսզի մեր քաղաքն ավելի ներառական լինի բոլորի համար:
- 1.7. Հատկացնելու ենք տարածք նոր գերեզմանոցի համար և կառուցելու ենք գերեզմանատուն՝ լուծելով քաղաքային գերեզմանատների գերծանրաբեռնվածության խնդիրը:
- 1.8. Լուծում ենք տալու քաղաքաշինության ոլորտին առնչվող կուտակված բոլոր դիմումներին՝ ապահովելով արդարության և թափանցիկության սկզբունքը:
- 1.9. Խելացի քաղաք («Smart City») համակարգի նախագծում և ներդրում:
- 1.10. Ցուցակագրելու և հանրայնացնելու ենք համայնքապատկան գույքը՝ թափանցիկ և հրապարակային կառավարման համար, համայնքապատկան հողերի թվային հաշվառում և հանրայնացում ենք իրականացնելու, մասնավորապես՝ աճուրդներին ներկայացվող հողերը:
- 1.11. Կառավարության աջակցությամբ իրագործելու ենք «Ալեք Մանուկյան» կամրջի վերանորոգման ծրագիրը:
- 1.12. Սահմանելու ենք հստակ կանոնակարգեր՝ Կումայրի պատմամշակութային տարածքների պահպանման և վերականգնման համար:

2. ՀԱՆՐԱՅԻՆ ՏՐԱՆՍՊՈՐՏ

- 2.1. Ներդնելու ենք էկոլոգիապես մաքուր ավտոբուսներ՝ ապահովելով խնայող, հարմարավետ և շրջակա միջավայրի համար անվտանգ փոխադրամիջոցներ:
- 2.2. Վերանայելու և բարելավելու ենք հասարակական տրանսպորտի երթուղիները՝ ներառելով ծայրամասային «Անի», «Մուշ» «Շերամ» թաղամասերը, որպեսզի ապահովենք քաղաքի բոլոր հատվածների հավասարաչափ հասանելիությունը:
- 2.3. Փոխարինելու ենք գործող կանգառասրահները՝ դրանք վերազինելով ժամանակակից թվային լուծումներով և ավելի հարմարավետ դարձնելով սպասարկումը:
- 2.4. Ապահովելու ենք քաղաքային տրանսպորտի հասանելիությունը մինչև կեսգիշեր՝ դարձնելով երթևեկությունը ավելի հարմար և անվտանգ:

2.5. Վերահսկելու ենք վարորդների արտաքին տեսքը, վարքագիծը, ինչպես նաև տրանսպորտային միջոցների մաքրությունն ու տեխնիկական վիճակը՝ ուղևորներին տրամադրելով լավագույն սպասարկումը:

2.6. Կահավորելու ենք փողոցները ճանապարհային նշաններով, պատշաճ կերպով գծանշելու ենք հետիոտնային անցումները և ավտոկայանատեղիները, իսկ մարդաշատ հատվածներում տեղադրելու ենք «կանչի ռեժիմով» և «խելացի» լուսացույցներ՝ երթևեկության անվտանգությունն ու կառավարումը բարելավելու համար:

2.7. Իրականացնելու ենք հեծանվային և հետիոտնային ուղիների ընդլայնում:

3. ՇՐՋԱԿԱ ՄԻՋԱՎԱՅՐ ԵՎ ԿՈՄՈՒՆԱԼ ՏՆՏԵՍՈՒԹՅՈՒՆ

3.1. Շարունակաբար բարելավելու ենք աղբահանության և սանիտարական մաքրման ծառայությունների որակը՝ վերազինելով կոմունալ ծառայության մեքենաների պարկը:

3.2. Թափառող շների խնդրի կարգավորման նպատակով կառուցելու ենք ապաստարան և իրականացնելու ենք զանգվածային ստերջացման ծրագիր՝ պահպանելով կենդանիների բարեկեցության կանոնները:

3.3. Շարունակելու ենք լուսավորել երկրորդական փողոցների բակերն ու փողոցները, ինչպես նաև բարելավել լուսավորության ցանցի ժամային գրաֆիկը՝ ապահովելով առավել արդյունավետ աշխատանք:

3.4. Լուծելու ենք «Մուշ» թաղամասի աղբադաշտի խնդիրը: Տեսակավորման և վերամշակման մեխանիզմներ ենք ներդնելու, ինչը կարևոր քայլ է քաղաքի էկոլոգիական անվտանգության համար:

3.5. Կանոնակարգելու ենք Գյումրի գետակի հունի մաքրումը և սանիտարական վիճակը՝ ապահովելով բնական միջավայրի վերականգնումը:

3.6. Բնապահպանական միջավայրի բարելավմանը զուգընթաց ավելացնելու ենք կանաչապատ տարածքները՝ ստեղծելով ավելի շատ հանրային այգիներ և հանգստի գոտիներ:

3.7. Գյումրու պատմական միջուկի՝ Կումայրի արգելոցի տարածքում սահմանելու ենք ոչ երթևեկելի ժամեր՝ ապահովելով ժառանգության պահպանությունն ու զբոսաշրջային միջավայրի բարելավումը:

3.8. Ապահովելու ենք Գյումրու գետնանցումների հասանելիությունը՝ իրականացնելով մաքրման և լուսավորության աշխատանքներ:

3.9. Ամենափրկիչ եկեղեցու ճեմուղու շատրվանի օրինակով վերանորոգելու ենք այլ պուրակների շատրվաններ, բարեկարգելու ենք շրջակա տարածքը՝ դարձնելով գրավիչ ու բարեկարգ:

3.10. Կանաչ գոտիներում ճանաչելով հանրային գերակա շահը՝ ծառայեցնելու ենք հանուն գյումրեցիների:

3.11 Արդիականացնելու ենք համայնքի կեղտաջրերի հեռացման և մաքրման համակարգը:

4. ՍՈՑԻԱԼԱԿԱՆ ՈԼՈՐՏ

4.1. Սոցիալական աջակցությունը դարձնելու ենք առավել թիրախային, որպեսզի այն ծառայի առավել կարիքավոր խավերին:

4.2. Խոցելի խմբերի հետ աշխատանքի արդյունավետության բարձրացման նպատակով ավելացնելու ենք սոցիալական աշխատողների թիվը և ուժեղացնելու ենք համայնքային սոցիալական ծառայությունները:

4.3. Հատուկ ծրագրեր ենք մշակելու միայնակ թոշակառուների, հաշմանդամություն ունեցող անձանց և բազմազավակ ընտանիքների աջակցության համար:

4.4. Կազմակերպելու ենք մասնագիտական վերապատրաստման և զբաղվածության խթանման ծրագրեր՝ նպաստելով անապահով ընտանիքների աշխատաշուկայում ներգրավմանը:

5. ԶԲՈՍԱՇՐՋՈՒԹՅՈՒՆ

5.1. Ստեղծելու ենք օդանավակայանից երկաթուղային կայարան տանող տրանսպորտային հանգույց՝ բարելավելով տրանսպորտային հաղորդակցությունը:

5.2. Մշակելու ենք Գյումրին տեխնոքաղաք դարձնելու ռազմավարություն և ճանապարհային քարտեզ:

- 5.3. Ստեղծելու ենք զբոսաշրջության համար անհրաժեշտ ենթակառուցվածքներ՝ հանրային գուգարաններ, QR կոդով քարտեզներ, եռալեզու տեղեկատվական վահանակներ:
- 5.4. Ներդնելու ենք էլեկտրոնային վճարման ճկուն համակարգ, աուդիո և վիդեո գիդ-ծառայություն համայնքապատկան թանգարաններում՝ զբոսաշրջիկների համար ապահովելով ժամանակակից մոտեցումներ:
- 5.5. Ստեղծելու ենք «Գյումրի 360° վիրտուալ տուր»՝ օգտագործելով VR տեխնոլոգիաներ:
- 5.6. Զարգացնելու ենք հեծանվային ենթակառուցվածքները՝ ստեղծելով ապահով հեծանվային գոտի:
- 5.7. Իրականացնելու ենք համայնքի բրենդավորում:

6. ՄՇԱԿՈՒՅԹ, ԿՐԹՈՒԹՅՈՒՆ, ՄՊՈՐՏ ԵՎ ԵՐԻՏԱՍԱՐԴՈՒԹՅՈՒՆ

- 6.1. Կազմակերպելու ենք մշակութային թիրախային միջոցառումներ և փառատոներ՝ խրախուսելով Գյումրու արվեստի և մշակույթի հանրահռչակումը:
- 6.2. Մանկապարտեզները դարձնելու ենք ամբողջովին անվճար՝ ապահովելով յուրաքանչյուր երեխայի կրթության և խնամքի հավասար հնարավորություններ:
- 6.3. Վերանորոգելու և գույքով ենք ապահովելու մարզադպրոցները՝ նպաստելով առողջ ապրելակերպի զարգացմանը:
- 6.4. Ստեղծելու ենք երիտասարդական ծրագրեր և հարթակներ՝ խթանելով երիտասարդների ներգրավվածությունն ու ակտիվությունը համայնքի կյանքում: Վերականգնելու ենք համայնքապետին կից երիտասարդական խորհուրդը:
- 6.5. Երաժշտական և արվեստի դպրոցներում ներդնելու ենք ժամանակակից տեխնոլոգիաներ, թարմացնելու ենք երաժշտական գործիքներն ու գույքը:

7. ԿԱՌԱՎԱՐՄԱՆ ԲԱՐԵԼԱՎՈՒՄ ԵՎ ՄԱՐԴԿԱՅԻՆ ԿԱՊԻՏԱԼԻ ԶԱՐԳԱՑՈՒՄ

7.1. Ներդնելու ենք համայնքային ենթակայության հաստատությունների աշխատակիցների սոցիալական երաշխիքների ապահովման համակարգ:

7.2. Զարգացնելու ենք համայնքային ծառայողների մասնագիտական կարողությունները՝ վերանայելով աշխատավարձերի համակարգը:

7.3. Ներդնելու ենք թվայնացված ծառայություններ համայնքապետարանում՝ ապահովելով թափանցիկ և մատչելի կառավարման համակարգ:

7.4. Ամրապնդելու ենք համագործակցությունը քույր քաղաքների և միջազգային կառույցների հետ՝ կապերի ընդլայնման նպատակով:

7.5. Ստեղծելու ենք նպաստավոր պայմաններ Գյումրիում ներդրումների ծավալի ավելացման համար:

7.6. Դյուրինացնելու ենք համայնքային բարդ փաստաթղթաշրջանառությունը՝ կրճատելով ժամկետները և պարզեցնելով ընթացակարգերը: